



5131





5131

履仁

福

心



蔣之望廸功左郎樂安縣丞勅

奉

天承運

皇帝勅曰舉賢良科進士蔣之望


不有進取奚試爾材可特

以佐令尹以膺後寵爾速

勅  
命

紹興十八年二月八日下

之



寶

蔣之奇受承德佐郎監察御史勅

奉

天承運

皇帝勅曰殿庭柱史糾兩階文武

之奇

官具八方人民之度匪才德

太常承奉蔣之奇再擢承

修庶毋怠於公勤諒



勅

命

紹興十九年六月二十八日下

之

寶



贈誥

蔣之才父蔣郭贈承德郎

奉

天承運

皇帝詔曰褒獎賢才廼朝廷之大典闡揚先德亦人子

之至情顧夫郎署官之顯著勤勞上准原厥本宜

在褒封爾蔣郭乃行在監察御史蔣之上父山澤

遺才鄉邦俊彥一經嚴訓能成令子之才各三載茂

勲宜振爾翁之潛德今特贈爲承德郎同行在監察  
御史鮮明豸服榮耀閭里懋哉

勅

命

紹興二十一年五月十二日下

之

寶

蔣之奇進授通議大夫常州刺史勅

奉

天承運

皇帝勅曰常州爲荒甸之要區刺史乃大邦之方伯旬  
宣廷政安撫郡民立綱紀而寄股肱者允宜得人以  
充前職行在監察御史蔣之奇旣試承德佐耶以觀  
其能再轉通議大夫以恢其志輿論翕然請朕擢茲  
敢言之士可

勅命

紹興二十二年九月二十日下

之




宋世制書

勅

蔣之才左從事郎建州觀察使勅

奉

天承運



皇帝勅曰掄魁登瀛蔣之才之能事也然始仕大率以  
虛名必久職迺知其實踐爾任前職未見全才今轉  
爲左從事郎建州觀察使當以剛直廉敏撫察下情

前  
聖  
金  
一  
名  
以副朕意庶知朕之用人弗苟也爾往懋之

勅

命

紹興三十一年五月十五日下

之

實



蔣之才從事郎兼督汀州軍事推官勅

奉

天承運

皇帝勅曰分部屬而立綱紀之司選賢才以充股肱之

寄必能宣上德而達下情者廼克稱焉前左從事郎

建州觀察使克稱厥任緣不久而遭艱服闋來官應

右遷而進職今擢其爲從事郎兼督汀州軍事推官

允文允武開示恩惠撫軍撫民懷附殊流庶快朕久




任之意

勅

命

乾道三年正月二日下

之






勅

命

乾道八年十月十日下

之

寶



蔣科授階宣教郎勅

奉

天承運

皇帝勅曰夫又安黎庶惟令最親 朕每命直指巡方

輒論其察循政以聞因而旌之庶可爲勞臣勸耳爾

原任宜陽縣知縣蔣科醇明之識爽練之才愷悌撫

民精明滌弊情流六案琴堂砥節於羔羊仁洽四封

蔀屋詠歌於鴻雁薦書屢奏成績蔚然是用授爾階

宣教郎錫之勅命夫爲治不難於文而難於實苟能  
耑力民瘼自不媿所生耳今爾政以實報大吏亟稱  
之矣尙其懋樹宏猷以需予之顯擢

勅



開慶元年九月十五日下

之 寶

仕林

夔素

爲大司諫

聖訓

封遼城公

簡軻

賜授紫金袍帶

庚詹

封爲安樂郡侯

宗鄙


封徽侯

滿

拜淮南相

萬

爲北地都尉



一乘車  
詡

爲兗州刺史

橫

封爲俊遒侯

頡

封爲金華侯

鄭

封爲會稽侯

川

封爲臨江侯

輝


封爲鎮湖侯

漸

封爲臨蘇侯

巡

封爲浦亭侯



稔

封爲九江侯

默

封爲雲陽侯

澄

封爲丞亭鄉侯

濯

太子洗馬

佩

爲冀州刺史

鑄

仕魏爲太保

錞

初持節冀青兗幽四郡諸軍事以總統功拜太尉

昕

漢魏吳晉四朝歷仕潁益湘桐四州刺史



琬

拜尙書丞相

瑜

封陽羨侯

世勲

封武定侯

有政

封安遠將軍

師傳

拜爲御史中丞

承黼


光祿大夫

朝宣

爲隴西撫尉太史

孝儼

授朝散大夫



晁

為監察御史贈亟亭鄉侯

演

翰林修撰

溶

五經博士

沈

咸寧縣令

環

為宏文館學士

將明


集賢院大學士

正

國子博士

義

集賢院大學士



之才

初授建州觀察使後授汀州兼督軍事推官

之奇

由鄉貢薦任御史轉常州刺史

之望

任江西撫州樂安縣丞

充

任嶽州通城縣令

端英

任紹興蕭山縣儒學教諭

鑑

由貢舉任上海縣教諭

衡

陞太學上舍

碩

授蘭邑儒學教諭

彥休

爲本省節度使標下千總

科

授瓊州府教諭擢宜陽縣令遷高州府推官

崑

任高州電白縣主簿

汝奎

任山西清源縣巡檢

榮恩

爲嵩縣主簿

夢漢

爲句容縣巡檢

良德

初授督撫旗牌官轉哨總管

孺龍

爲西安教諭

應喬

授嚴鎮右營守府

人壽

寒美

榮恩

聲奎

繼



王高林書白練王

王高林書白練王

王高林書白練王

紳衿

之才

紹興乙卯年登進士

之奇

由鄉薦起仕

衮

紹興壬午年鄉試中式

乾道丙戌年登進士

端英

由貢舉出仕

端復

宋紹興進士科分無考

鑑

由貢舉出仕

衡

由易經陞太學上舍

孺龍

歲進士

始科公

宋寶祐年中進士

孟淵

為人博學善醫時御史吳公延之冠帶

天與

為人尚義恩例冠帶

福湖

鄉飲賓給匾德重鄉評

良德

武庠俊選

良愷

縣舉鄉約

應標

邑宰著聞延與盛世嘉賓

明倫 鄉飲賓

吉生 國學生 六品

士綦 乾隆己卯年公舉捐授鳴贊生

光國 乾隆乙卯年捐入太學生

亮 嘉慶甲子年縣舉鄉飲賓給匾克敦善行

志伊 嘉慶壬戌年欽恩貢監

志高 嘉慶甲子年欽恩貢監

維新 邑宰著聞給匾 碩德堪嘉



一乘莊氏完言  
卷八十一  
春泉

捐入從九品

明德

捐入孔生

士仁

太學生

鏗

捐入從九品

士彥

太學生

會餘

太學生

康儀

捐入從九品

鴻元

太學生

鴻福

太學生

際昌

太學生

鴻燾

捐入從九品

丙棠

太學生

玉銜

太學生

交機

太學生

順昌

太學生

品芳

太學生



樂山

光緒三十三年六月 蒙

督帶駐衛巡防十五等隊前廣東赤溪協鎮都督府 沈 頌請

浙江巡撫部院 馮 奏請在事出力一摺獎給在事出力賞給五品頂戴

順興

槐陰國民學校國文教員

人俊

浙江第七師範講習所師範生

虎臣

浙省都督 蔣 奉

大總統令 獎給中士銜旌表願有傳可考

謝熾

陸八品

榮昌

大員

謝廉

大員

耆老

鄉飲資給匾德重鄉評

福湖

良愷

九旬以上給匾褒榮尚德冠帶耆民  
皇恩欽賜

吉生

太學生老年尚多五載百齡僅少四春  
皇恩重賜

旭聚

八十八歲  
皇恩欽賜

兆榮

嘉慶五旬萬壽恭遇 皇恩欽賜 又遇嘉慶萬壽 單思欽賜公帑賞給以光  
大典 又遇 單思欽賜修職郎八品頂帶 享年九十歲

亮

嘉慶萬壽  
單思欽賜修職郎八品頂帶以旌榮壽 享年八十三歲

光國

太學生 恭遇 嘉慶萬壽  
單思欽賜修職郎八品頂帶以旌榮壽 享年八十一歲

志伊

太國學生 恭逢  
皇后六旬欽賜恩榮以光大典

殿華

恭遇  
皇后六旬欽賜恩榮以光大典

維新

大恭遇  
皇恩欽賜米白綿絹八品頂戴榮身以光大典 享壽八十六歲

佩桂

恭逢  
皇恩欽賜八品頂戴榮身以光大典

攀瀾

年壽六旬  
皇恩欽賜

介甫

年壽八旬有一 民國三年恭逢巡按使給賞褒榮齒德 享壽八十二歲

佩琳

恭逢

書

節孝

堯臣繼妻徐氏

青年夫亡守節壽至九十歲而終  
縣王給匾登縣誌

兆基妻洪氏

青年夫亡守志  
嘉慶庚申年縣主張公給匾登縣誌

志寬妻張氏

青年守志 道光十三年 奉  
旨旌獎欽褒節孝賜帑建坊載誌表揚以光大典

師雲妻方氏

青年守志 道光十三年 奉  
旨旌獎欽褒節孝賜帑建坊載誌表揚以光大典

日蘭妻諸葛氏

青年守志 光緒九年題請 奉  
旨旌獎欽褒節孝賜帑建坊載誌表揚以光大典

其昌妻徐氏

青年守志 光緒九年題請 奉  
旨旌獎欽褒節孝賜帑建坊載誌表揚以光大典

濟南府志

濟南府志卷之八

濟南府志

濟南府志卷之八

濟南府志

濟南府志卷之八

濟南府志

濟南府志卷之八


濟南府志

濟南府志卷之八

濟南府志

濟南府志卷之八

濟南府志



汀州府君之才公墓誌銘

推官公姓蔣氏諱之才字澤民漢兗州刺史詡之後

高太父紀曾太父楨太父任皆潛德士父郭贈御史

母陳氏封淑人高太父乃中葉震業之嗣始自金華

石室徙居芥嶺芥嶺非是地之原名其高太父晚年

以子孫各好攻書史故名其嶺曰芥冀子孫取青紫

如拾芥之義也不百年而君與弟之奇之望者出焉

君性警悟習易兼明左氏春秋紹興五年乙卯與戚



氏徐良能同舉進士而君居第二至二十三年癸酉  
與婿徐公實友人余端禮同登進士第時侍郎劉公  
章爲金國賀正使嘗薦之于朝因授以引接儀範三  
十一年辛巳轉左從事郎勅授建州觀察使建州號  
難治君以平易治民民不忍欺未一載而政孚惠洽

以丁內艱去任乾道元年乙酉服闋徙居蘭源三年

丁亥之京師勅授從侍郎兼督汀州軍事推官三月  
抵任汀多洞獠擾不得安業君備衣糧躬踐獠寨分

給而化導之獠皆以手加額稽首謝罪自此貼然大  
官巨卿按屬者靡不稱羨僚友亦偉其能十二月八  
日嬰疾陡作越五日遂卒於官僚友爲之經紀其喪  
州民如喪考妣士大夫追思立祠祀之按屬巨官以  
君之政績達於朝寵膺優贈明年正月諸子扶櫬旋  
浙俎奠之席相接數里軍民送者忘路之遠近皆有  
依依不舍之情君誠可謂生榮死哀矣柩歸葬於余  
家源君生於大觀三年己丑七月十一日享年五十

有九娶河牌王氏封淑人弟之竒從弟之望各舉儒  
科之竒任監察御史之望任樂安縣丞子二端復端  
益孫九伯龍仲龍叔龍季龍汝龍瑞龍兆龍世龍應  
龍女一適同邑進士徐公實嗚呼君之學問文章著  
於當世與余公端禮皆稱知名士而君猶過之惜乎  
位不逮余公之尊而先逝也既葬之六年庚寅君同  
年友人殿中侍御史徐良能撰狀附碑墓道未銘越  
三十年紹熙辛亥余適退歸君之子端益以予有葶

葭之親乞余銘之銘曰

懋哉名公天性亶聰兩舉進士問學羅胸三試政  
績才德蘊躬宜奏膚功輔贊彌縫何爾遽終位不  
遂衷噫職雖菲薄譽則尊崇茲銘貞石猶勒鼎鐘

紹熙二年辛亥春三月之吉

賜進士文華殿修撰中奉大夫

同邑契生范處義撰

同邑矣夫請以茲舉

顯族士文華風於野中率夫夫


臨照一平空古鳴呼

於靈其翕和崇茲翰真在

位謙夫翕蘇良宜表臥也

今慈慈各公天授重顯兩舉

慈之麻公翰翰之翰國



自識宗譜序

吾蔣氏始自姬公別派繇來舊矣周秦至漢爲世家

代有名人傳至詡公王莽居攝以兗州刺史免歸田

里開三徑清風高節播於後世至橫公雖以羗路被

譖而九子皆侯江南之有蔣氏自此迄三國魏晉至

唐才名震世顯宦朝端者累累不乏第其支派繁衍

雲雲朏朏星列碁布近提其概如杭之錢塘婺之石

室衢之西園浦之混塘俱華宗而莫能統一矣吾宗


分於石室始祖紀府君幼孤隨母舒氏歸龍邱外舅  
家長卽遷洞之西抵衢婺犬牙地而居焉基業一興  
門戶高大因名其地爲芥嶺冀子孫取青紫如拾芥  
之義迨澤民公與世戚徐良能同遊學易齊中鄉試  
登進士第一時閭里以爲榮領左從事蒞政於汀州  
兼督軍事推官生端復端益二公有田千頃後再遷  
於太平鄉之蘭源嫡孫褚公又卜遷於金谷蓋亦三  
遷矣其弟之昭公子諱衮者亦登進士繼簪纓於未

艾深喜吾宗家聲之不墜也因思木必有本水必有源可不置家譜爲後人永鑑亦曰傳芳之計不在田宅多寡但勉吾子孫勿令書種斷絕振起家聲足矣姑述本末庶幾悠悠爲源遠也

澤民公裔孫伯昌謹識



故本末... 且是... 書館



宗... 何... 其...

家乘小引

夫家之有乘猶國之有史也國則兼著善敗用存龜

鑑家則專揚懿美以昭來茲但聖門所稱必也狂狷

珪璋之寶不掩瑕瑜是貴鉅細畢錄偏全互見要以

摹寫形容脩彰風格令觀者仰止高山宛然可挹若

夫詞工粉飾事絕非刺神理索然祇增虛誕匪特晦

前修之面目抑且戾作者之體裁矣猥以疎庸僭操

筆削聊希悼史寧愜輿情知我罪我已聽之且以藏

之私篋非敢曰傳之四方也

至正丙申年秋八月

夫臨工儲翰事無我情澤民公裔孫伯昌謹識


華源河容新道

其年之寶

識宋明專書繼美以印來

天家之育樂辭國之育也出國明兼善善以用言

宋樂小序



金谷八景序

金華諸山崔嵬峻嶮聳秀獻奇下帶蘭江之西五十

里許鬱爲金塘山今名上蔣蜿蜒磅礴爲一方之鎮

其山之陽曰金谷谷之中草木叢茂泉甘土肥平夷

曠野氣聚風藏蔣君俊永氏自其始祖季龍府君者

肇基茲土迨今先君叔常取其所居前後左右之跡

名爲金谷八景矚乎目樂乎心蓋欲紀其勝於悠久

也當金谷之東有山如鳳昂霄聳漢嵐氣鬱蒸晴空

亦雨觀此則鳴鳳朝陽之瑞可想也金谷之中有沼  
蓄魚遊泳藻荇浮光躍金水天一色觀此則魚遊濠  
梁之樂可知也龍阜摩空壁立千仞上有雪梅數種  
倒影橫枝幽香可掬儼然與天地同態矣獅岑聳漢  
拱北萬丈卓有老樹參天白雲凝宿偉然可爲梁棟  
之具矣至於柳岸之旁有清溪焉方春之際垂絲閃  
色裊裊生綠下瞰清溪澄澈百尺其與滄浪之水異  
地而同清乎荷池之竅有活水焉當夏之時擎翠呈

丹清香襲人上接源泉靈脉不息其與濂溪之波分  
流而合趣乎橋建乎南瀑布一帶天色晴霽月光如  
水往來客旅無病涉之勞社結乎東地則靈氣磅礴

神明昭著而興居士女有護佑之休是八景也或取  
山川之勝或取物象之名四顧盤桓依違周折覺一

覽而萃然在目是皆一方之勝概而爲蔣氏之所獨  
擅者也雖然景不自名因人而各地不自勝因人而  
勝故蔣氏之先敦德履善勗業肇基以啟後世之傳

者皆是景之勝積厚之所鍾也至今奕葉相傳引而弗替族大家饒皆是景之勝積而臻其盛也子孫繩繩螭螭駸駸儒業之習皆是景之勝積而發其英也是則非有八景之勝固無以鍾蔣氏之盛非蔣氏有入之賢亦何以名八景之勝哉今俊永之子暘敏達魁傑祇求予序厥祖各景之意將爲羣玉題詠之一

引云


昔嘗

成化甲辰年夏六月既望

賜進士出身徵仕郎中書舍人壽昌徐莊序







淑出甲辰年夏六月

淑出士出吳縣分田中

蔣氏重修宗譜序

吾觀蔣氏世稱巨族其先居於芥嶺代有聞人有之  
才公者宋紹興間以明經登進士第擢爲勅推官惠  
洽於民鄉之耆彥所共知者厥後蘭家蔣氏族日以  
盛富而好禮俱出推公之後允也有鳳舉貞卿者性  
甚敏慧幼嘗儒業尤善草書詞賦不求聞達志於親  
親纂修譜牒蓋思源流既遠遠者人之所易忘也忘  
遠不可以言孝支派日繁繁者人之所易疎也情疎

不可以言親於是叅互考訂續爲新譜明其身之所  
自出示人以尊尊之義別其派之所由分示人以親  
親之道統系分明昭穆不紊義哉此舉將挽民俗於  
三代之隆者也譜成請序於予以垂諸不朽予曰孝  
子不亡其親仁者不薄其黨義士不馳其宗古之道  
也人惟不知此義因而不修其譜所以失本支愛大  
非光前啟後之計也一本之情果安在哉是譜之作  
惟親者是錄而不必假同姓名位以華斯宗亦正見

同氣聯支清源探本之說而善修輯之道矣斯非空  
谷之足音而可喜者乎然而善族之道修譜其文也  
修德其本也人苟不修其本而惟末之是圖斯非善  
於族矣信能正其倫理篤其恩義明先王之道以道  
之而使族之人皆由於道本先王之義以行之而使  
族之人皆協於義率先王之仁以倡之而使族之人  
皆化於仁於是中也養不中才也養不才患難相恤  
有無相通則一家之中式相好矣無相尤矣同氣者

率鵲鶴於秋水異派者肖關雎於河洲明經待聘者

出而鳴我國家之盛則蔣氏克敵於義而昌大其族

不徒譽於鄉人俊髦之口即秉史筆者亦以世家善

族而稱之詩不云乎聿修厥德無忝爾祖盍其勉諸

敬啟者



嘉靖四十六年歲次丙寅孟春之吉

鄉進士眷生方一龍拜撰

因於... 善於... 其... 其... 其...

蘭谿金谷蔣氏重輯宗譜序

夫國有史家有譜由來尚矣輯譜之典尊尊親親之道也各宦世家必有之上自祖宗昭穆秩如下逮子孫尊卑不紊根於一本分爲萬葉一覽圖系令人藹然起孝敬之心油然而篤親愛之誼甚哉譜之爲重也苟上不知所始而下莫知所續則渙散莫屬其何以爲先王率祖敬宗睦族敦倫之道哉故莫美於前而後求乎其繼莫美於後而前必有所開嘗觀作譜家

遄遄牽掇前代名流附飾以爲榮則親非所親深可  
嗤誚此狄樞密所以不拜梁公者是也若舊譜昭然  
宗支嫡派厯厯相承而故意矯情不敘則似以遠疑  
親若是舜禹不必祖顓頊而文武不必郊后稷也惡  
乎可予家先世修譜自褚公始公以爲譜之不輯也  
徒爲簪纓之胄詩書禮樂之族也於是勞神焦思不  
憚竭蹶於至元十八年辛巳往常州採集譜序然厯  
代源流世數已久公亦不加詳確幸得唐末德明公

因避五代之亂不歸遷居石室之由迨五世孫紀府君又由石室而遷龍邱芥嶺創居起業是爲鼻祖也

傳五世祖之才公登宋紹興初進士第授從事郎歷官觀察使兼督汀洲軍事推官復遷於太平鄉之蘭

源今日蔣嶺嫡孫七世祖季龍府君爽明遷於本地

之金塘號曰金谷遞十一世而暹公生焉惜所輯譜經其手裁者已回祿無存迨十七世

得忠

搜尋遺稿

而復輯之未知然否嗣后如俊璣如文祥如以鑑諸



先輩叠修數次皆傳得忠之舊而已登不敏嘗悲夫遲

公所輯之淪亡也又見夫譜首源流之不甚明白也

畱心譜牒者三十餘年訪求博採參互考訂幸於崇

正六年閱浦陽廷瑞公輯混塘宗譜其載籍源流世

數甚覺詳明蓋吾蔣氏自周始開國以來世有國牒

歷秦漢至唐代有譜紀此唐時晁公所以作大宗亟

亭二碑而廷瑞公又二碑採集來也夫大宗一碑自

一世至四十七世為諸譜所同而亟亭一碑自四十

八世至七十七世乃陽羨所獨正吾宗所出之真脈

也因得採取而校正焉則自周至唐其間變遷不一

而淵源班班可考自宋厯元以迄大明之末肇造雖

居地屢遷而世數嗣續燦乎不亂固可傳述於無窮

也嗚呼上承祖宗德業之隆木本水源固有所自下

達子孫綿遠之裔雲仍奕葉及於無疆一覽瞭然俾

後之修譜者循此而善續之則尊尊親親之心庶其

無憾矣乎謹敘之於此

無  
皆

大清順治三年歲次丙戌秋七月上浣之吉

欽王孫先登頓首百拜書

...

...

...

...

...



蔣氏修譜文

嘗歷觀世之大家各當有譜譜而不輯其如上世何  
故有家者不可以不輯譜又觀世之輯譜各當有系  
系而不正其如後世何故有譜者不可以不正系甚  
矣譜牒之難也且推立譜之意上昭先世下系將來  
效國史之爲而以義起之也使於其間而執以一己  
之私見誣僞爲真飾虛爲實將以粉外人之觀美抑  
且昧後人於無知彼陳壽志三國而帝曹魏正統不

一齊東野語  
卷之四  
明宗法紊亂其如天下後世之譏誹何故曰甚矣輯

譜之艱也蘭江金谷蔣氏

得忠

宗譜地理來歷宗派

源流纖悉具備而無毫髮之爽其間章疎篇什又皆有符吾平素之所見聞者所云粉偽爲真飾虛爲實無有也予披閱再四錯綜斟酌噫蔣氏宗譜深有得乎史志之意矣嘗聞先正有曰譜之輯否家之盛衰係焉蘭江蔣氏派自常州而之石室自石室而之芥嶺自芥嶺而之蘭源自蘭源而之金谷世逾五十年

邁千百而譜牒纂修於古昔者姑不復論若前日之

暹公始輯於至元甲申他日之盛概可見矣迨今

得忠

之繼輯將來之昌盛蓋有不卜而可知焉雖然要在

以人事而符天理也孔子有曰民庶而富之既富而

教之適今蔣氏既庶且富而宜教之之秋也况氏之

先以文武而登震乎邦國者如西漢之有元卿公東

漢之有橫公蜀之有琬公有瑜公迄唐如溶公如演

公如清公如沈公如明公如伸公如偕公如正公父

兄子弟並著史館斯其在汝甯在杜陵在零陵在常州之始有所作矣既而如南宋之才公之奇公之望公以及充公與端復公端英公之父子兄弟朝野聯班此其在蘭源而終有繼矣然得忠則曰生於元者有不欲仕之心而儒業者寡誠哉是言也又曰至我

國朝聖聖相繼正可業詩書以承先世之志第以賦稅效忠之不克斯言亦得之矣今之蔣氏較諸往昔而富庶倍蓰則子弟之明俊而且儒雅者在在有人於賦

稅固不可以不司而儒業尤不可以不振登仕版躋

仕階而簪纓迭出之在金谷者又有光於芥嶺此不

負予之有厚望於蔣氏之後嗣子孫也而芥嶺之先

人亦有望於金谷之後嗣子孫也蔣氏人才豈天之

豐於前而嗇於後哉全在自修之何如耳自修之道

孝弟爲大得忠與迺子迺孫既能以輯譜自任斯謂

之祖宗之迺子迺孫得自修之大者天之福之祖宗

之鑒之不於厥躬而實於厥後金谷爭輝不維謂之



繼往昔而大有邁於往昔矣詩曰教誨爾子式穀似


之予因與

得忠

善交而喜爲蔣氏後嗣子孫誦之

賜進士第太子少保榮祿大夫兼兵部尙書文華殿

大學士瀋安友人商輅序



蔣氏重修宗譜序

原夫水根天一山本崑崙而人之有祖亦猶千峰萬

岫之悉本崑崙萬派千涯之盡根天一也粵自始祖

以迄雲礽奕葉相傳支分派衍苟不有以聯屬之則

尊卑莫辨疎戚難分相視途人勢所必至所謂聯屬

者何譜是也故天子有玉牒諸侯有年表大夫有家

世士庶人則有譜傳者職是故耳昔歐子立垂系之

書蘇公創列傳之法由一本而散爲萬殊復由萬殊

而仍歸一本者昭穆釐然皆二先正之力吾業是有  
年蘭邑上蔣蔣氏忝在姻親之誼其家向有筆記舊  
譜未付梓劇甲午之秋忽見召余以印刷謬膺重委  
兢兢焉每以弗克勝任爲慮幸有達者士葵伯公字  
君錫者朝夕指示猶賴親翁鶴誠與鄉賢首事讓四  
三以暨諸公等校對謄錄重修各事其事協力贊襄  
以成盛舉庶幾千百世下卑不踰尊疎不踰戚爲昭  
爲穆寐展卷而瞭若日星余樗櫟庸材非諸公各展

其長以訂正魚魯之訛諒所不免草草抒忱以贈以


謝

峕

龍飛乾隆三十九年歲在甲午

龍邑梓人翁乾一以清氏敬撰

誰派論到三十



論學三以音入辨疑公字

三以書

世及

其其及情五論錄玄論海不致草草特以似以

重修蔣氏宗譜序

同里蔣氏望族也自推官之才公顯於宋至今政績昭垂赫赫若前日事後嗣熾昌豈偶然哉之才公字澤民與余始祖龍圖待制良能公同登紹興乙卯進士公長子諱端復者余始祖婿也公之女又適余始祖猶子知錄事諱公實爲室固世戚而兼世誼者族有譜牒肇於元之暹公前代迭經修輯自我

朝順治三年以後至乾隆甲午士葵公士葵公始續集

之百餘年之殘缺失次釐然一正歲庚午立賢太親  
翁奉 尊人聘堂翁之命慮子孫蕃衍日久易至遺  
忘爰躬自詮次誤者正之遺者補之未登者繼續之  
叅用歐蘇之式五世一圖父子縱承兄弟橫列絲聯  
繩貫歷歷可稽復另爲一集依世分行令同行者長

居前幼居後通族無異一家而生期卒葬婚娶子嗣  
與夫一生出處莫不備詳展卷瞭然誠善本也譜成  
屬序于余余與翁同筆硯者十餘年七弟燦忝附東

床較之先代仝榜聯婚顯榮未逮而世誼戚誼將毋  
同是固不得辭也爰誌其大畧如是

皆

嘉慶十五年歲次壬午章敦牂林鐘月下澣之吉

歷署慈谿秦順現委黃岩儒學教諭

眷姻侄徐球拜撰





十五年重修譜序

爰因三十九年外祖翁諱上字以下字清自廢神刷

印後迄今年越三十有五嚴君累次慨嘆有心重輯

宗譜事一日重囑於余曰家乘小引固一族之巨事

奈自爾外祖暨爾祖輩自三十九年整理一番大廢

神力迄今多历年所修輯要緊惜乎族中少人只得

着爾替吾辦理以補先祖之神毋望後人替貼也庸

庸短畧聊爾就事謹此識

嘉慶十五年歲次上章敦牂林鐘下澣之吉

首爾督告報野之辭設庶之輒纂修對讀涵

輒大政之參想平海治舞要渠管理校訂琴魁

奈自爾伏厥  
 二十八年

宗雷車一日  
 德字行裔孫志伊譔

明分或今半賦三十自五蠶昔累穴甜藥育心重難

受因三十六半伏厥參轄土字以平字青自懸輒歸

十正半重鈔簡京

三原訓特錄清源除弊譔二十八平嘉慶十年五月

原夫輯譜之道輯其所由來也輯其所遺忘也如吾

道先人者身體髮膚受之父母是原本也娶妻生子是傳

後也因思本必有本水必有源輯譜事誠最要耳兼

之所閱上代遺畱手錄老譜前輩所修刷印老譜譜

牒重重內中若祖若父刻像摹形行第名下贈贊言

語未免宏大又兼以辭句隔參紛不映逾一番矣

聖廟兩諱字眼不無冒犯其人其字雖有實實可嘉可註

者值事人不得不痛除而更易之細思累次纂修所  
留老譜重重疊疊以備後嗣叅修殊不知修一番多  
一番考証查一字多一字疑糊終究言之倘後日出  
有不肖子孫將留譜或變賣索錢或藏家不認俟至  
晒期歸數查閱翻對無從考究則事件多端不得不  
預爲防慮也今日者因而同事共商願將上代至正


嘉靖年間譜牒以迄西由來也連其洎數亦收香

聖朝順治累次手錄及乾隆三十九年嘉慶十五年刷印

諸老譜統概勿留付之火燬以杜後日之毒爛虫咬  
穢褻前人之本真也是特錄

道光十八年歲次戊戌冬月之吉

裔孫德字行立賢撰



不... 之... 矣...

... 不知修... 者...

... 之... 後日出...


有... 不認僕...

... 得...

... 冬... 古...

... 林...

... 火... 毒...



新修譜序

一族之興必有一族之譜譜不輯將宗親視如路人  
譜不修將子孫但知父祖之近而忘曾高之遠兄弟  
但識一家之次而昧合族之倫日久廢弛卒與未輯  
無異甚矣修譜之尤要也吾族之譜前代修之屢矣  
自嘉慶庚午伊奉先君聘堂公面命約族中諸老成  
合力繼修閱今又二十九年不維宗支間斷長幼混  
淆卽凡生卒嫁娶未免多所遺忘幸際今歲豐收因



聚族共商復踵其事體例悉仍乎舊惟卽庚午以後  
譜所未登者增之其遺落者補之謬誤者正之使圖  
譜中繼繼承承血脈接續行譜中兄兄弟弟次序分  
明而生卒嫁娶以類附註翻閱了然且俾後人繼修  
得有所依據也是役也於以是年設局敘集於以桂  
月就局付梓至於臘月告成譜成因誌其年月以弁

諸首以興必存一姓之譜蓋不轉讓其地賦賦人

承辦德字行立賢

纂修德字行浩源

對讀升字行一枝

會東

校訂德字行得中

聞字行瑞呈

總理局務德字行思賢

松壽

道光十八年歲次戊戌十二月中澣之吉



前承十八...

...

...


...

...

...

...

...



蔣氏續修宗譜序

聞之歐陽子曰三世不修譜爲祖宗罪人是修譜者子孫之首務也古者奠繫掌於小史之官而屬於宗

伯三載一修畢世一修故昭穆之倫敘疏戚之分明

若此模樣誠非易易蔣氏之譜自咸豐十一年粵匪

擾亂廢於兵燹幾至失傳猶幸祖功宗德舊譜尙存生終葬娶有所考證乃道光戊戌年間輯修譜牒迄今四十七年矣敬恐後世子孫日久年遠祖宗之祀

一 荆荆氏宗譜  
卷之二  
或至迷忘尊卑之序或至淆亂久欲輯修宗譜以貽  
無窮一則公帑全無硬難舉手再則老成凋謝無人  
仔肩三則霉沴破裂恐後難查於是族中

介甫

公等

會集商議定立章程除丁口銀外不敷越格樂輸遂  
成美舉名列於后卽將各房查考終葬娶一一錄  
明設局於菊月之秋自秋徂冬凡臘月告竣歷叙始  
遷以來源流世系使後世子孫開卷瞭然庶幾生有

所出沒有所歸賢智者見之油然興起其孝弟之心  
愚不肖者亦曉然知尊卑長幼之節也今蔣氏理譜  
事人委予秉筆直書故不辭而爲之序云

峇

皇清光緒十年歲在甲申仲冬

雙牌外甥邑庠生王錦書拜撰

聞字行助款

夫諱譜前棟餘公許數助銀其子後遵父命


品芳助銀五十兩

鴻燾助銀拾兩

景修堂助銀貳兩

孟房助洋銀壹元

品芳加助銀拾兩



上蔣蔣氏重修宗譜序

吾族之譜自道光十八年立賢公手修後迄今四十

七載準以歐陽子所云三十年一修時已踰其半矣

族中舊例生卒嫁娶司事者每歲按期脩登草譜

咸豐辛酉逆氛熾甚蕩然無存猶幸啟行茂莖拾之

徐氏樓中俾得有根抵可續未必非祖若宗之靈爽

式憑也否則全部舊譜雖未遺失終何由續而修之

也哉所可憐者西逆竄踞數年派下子孫或病亡或



被擄其卒期葬所多有無從攷究者耳然亦無可如  
何不得不從其闕前年屢議修之因缺筦資其事遂  
寢今春派下照丁集腋其有不敷處猶復踴躍樂輸  
成此善舉載筆襄事者悉遵舊典罔敢差池是役也  
始於秋中歲於冬季其間有缺畧未詳識見未到之  
處則皆吾輩之咎後有作者當補其漏而訂其譌是

吾輩所厚望也

光緒十八年立費公手鈔

時在

蘇蘇氏宗譜

光緒十年歲次甲申季冬月穀旦 裔孫

纂修對讀 升字行介甫

啟字行茂堃

英字行順昌

總理局務 聞字行品芳

遂生

承辦 聞字行其清

啟字行鳳榮



其如... 頌宇... 鳳榮...

何事... 不從... 今來... 閣宇... 其新...

經... 下照... 不敷... 庭猶... 坐羅...

成此... 閣宇... 品裝... 是役也

始於... 中... 英宰... 許鳳... 昌未... 到之

處則... 皆吾... 輩之... 符... 作者... 宿... 頌宇... 許... 鳳... 榮... 其... 誠... 是

吾輩... 所厚望也... 樂... 新... 樓... 齋... 長... 宇... 許... 鳳... 榮...

水... 辭... 許... 鳳... 榮... 甲... 申... 季... 冬... 月... 嫌... 旦... 齋... 齋...



續修樂安蔣氏宗譜序

古人云莫爲之前雖美弗彰莫爲之後雖盛弗傳粵稽蔣氏聚族於斯自科公始遷以來迄今三十世矣其間

碩彥名儒老成煉達者代不乏人而參互考訂補偏救

弊以致昭穆森嚴規模遠大而爲家乘光者未始非先

進有爲於前也然祖宗旣爲於前子孫宜葺續於後庶

盛事世世相傳於勿替譬猶培其本而木更茂浚其源

而流必長按蔣氏宗譜曾修於光緒甲申年間屈指於

今三十餘歲矣而冠婚無不繁衍生終無不繁多况又

因作客他鄉或遷居異地誠恐年久失修將代遠年湮

老成凋謝欲求其始終本末有條不紊蓋亦難矣標君係

余岳丈有鑒於此爰集同志急為纂修商序於余以為

當今時局艱難財力困乏將前既修者而續修之續訂

後頁非敢謂事半功倍也亦惟俟賢子孫纂輯於無窮

云為序其為之而無美與善其為之而無益與虧


中華民國五年歲次丙辰季秋月 中浣之吉

清代邑庠生吳震南沐手拜撰

纂修對讀 聞字行 其標

福海

啟字行 順興



福來

總理局務 啟字行 順漢

鳳威

承辦 啟字行 福琴

順和

助款列后

考... 升續琳助銀十元

漢助銀二十元

啟福琴助銀五元

啟順和助銀五元

云為序

樂新樓頭 間字計 其點

中華民國九年歲次丙午...

元十七公八十壽序文

請恭  
祝

兆榮老親臺八秩壽辰

聞之董子曰壽者壽也壽有短長由養有得失然則

人之享大年者必其身得恒久之道而天始以長壽

壽吾于

兆榮蔣老親翁見之翁事親以孝養聞家傳耕讀

兼理陶朱業洗腆用酒務得歡心昆弟四人怡怡如



也 翁居長凡事以身先嘗奔走于湖湘江海間艱  
辛備試至老不衰其克勤也如此性澹泊不事宴游  
自少壯時經營練達卽具老成氣概迨至家業日興  
肯堂肯構唯是兢兢自守無妄費其克儉也又如此  
夫以 翁之勤且儉曷嘗一日暇逸爲自奉娛而精  
神矍鑠恍若壯年今屆八旬明動晦休無時豫怠自  
謂日行數十里無難色則 翁之所養信有大過人  
者矣况 翁之淑配 童孺人亦開八秩而強健與

翁等卽其勤儉亦復相若真內助之賢也一門之內  
舉案齊眉子若孫森森玉立克昌厥後其在事歟  
聖朝優待耆老自七十至八九十者遞加

恩賞若百年者旌表建坊以翁神旺氣充蒸蒸未艾將

來薦至期頤蔚爲人瑞定有榮膺

盛典者茲于且月六日爲翁懸弧令旦宗黨里戚皆樂

喜爲翁壽其猶子立賢以序文請予長男篔乃翁婿

也叨在姻好知之甚悉故特推其致壽之由以侑舉

觴也可

嘉慶二十五年歲在上章執徐季夏上浣之吉

乾隆戊申科舉人特授廣西潯州府桂平縣知縣

眷姻弟諸葛鏗拜撰



恩費者百平卷...

聖降...

舉案齊眉...

產樂隨其...

元十九公七十壽序文

恭祝

蔣宅廷芳太翁老大人七十榮壽

竊聞壽爲仁徵福以德致此詩歌難老必由乎順道

而禮重引年尤記夫情史者也恭惟

太飲賓七十壽翁廷芳老先生秉質溫和賦姿情厚孝友

關乎性生曾推梨而懷橘言行得之天授悉折矩而

周規以故玉尺騰芳金鼎著望鄉黨矜式爲善人郡

邑旌表爲長者正不獨恢前人之堂構克壯鴻圖貽  
奕世之箕裘不忘燕翼已也所以嗣子則蜚聲國學  
蔚爲棟幹之材諸孫則騫譽門庭森作芝蘭之秀旣  
多祉之是膺自遐齡之必享將見耄耋有憑不減商  
山之皓首期頤可卜無殊落下之耆英又豈僅年踰  
花甲尙矍鑠以據鞍歲屆古稀猶精神而健飯哉

銓

等誼屬葭莩情深葵藿爰於懸弧之日共切稱觴之

慶聊述蕪辭用誌純嘏敬祝

壬子科舉人特授嘉興府嘉善縣儒學教諭

眷姻弟張鋹頓首拜撰

龍飛大清嘉慶十有六年歲在重光協洽上章困敦祝犁

大淵獻吉日



...

...

...


...

...

...

...

...



覃恩欽賜九品頂帶太學生蔣聘堂先生八旬壽序

昔文潞公居與程珦司馬旦席汝言等皆年七十有  
八爲同甲會潞賦詩云四人三百二十歲況是同生  
丙午年斯亦可謂盛事矣夫碩德高年關乎運會方

今



其

聖朝覃恩叠沛優老之典誠爲異數斯鮐耄眉梨躋其  
仁壽域者亦且壘筮濟美爲前古所希猗歟休哉何風之

隆也四月朔日恭逢



聘堂蔣先生八秩令辰其姻親之在吾門者乞余一

言爲壽余維祝嘏之詞貴從其質今世俗之善頌禱

聖障者擴拾陳言鋪張揚厲故岡陵日月非不尊也其如

僭何餐菊茹芝非不竒也其如誕何至家風必云萬

石品望必云太邱子庸庸而擬之玉立孫落落而詡

以含飴非不壽皇也其如誇且泛何烏用是詞費哉

余自乾隆癸丑司鐸蘭庠閱今三十餘載與先生

定交最久其梗概約畧知之先生古道照人立心

正直弱冠卽棄書而賈以計然策起家堂構聿新門  
閭日大有子早儲國器稱克家焉孫二人復英姿卓  
卓可卜遠到諷先生甫屆六旬卽退處里閑優游自

園未得一切家計付之後人時與二三耆友爲松子戲以  
遣歲月蓋所謂至樂無極老復丁者以是克享大年

良非偶也抑余嘗考之往昔以兄弟而俱登上壽惟  
齊伯珍昆季時人比之四皓先生同懷四人伯仲  
年踰八秩季亦筭近古稀統計三百一十三歲皆舉

案齊眉孫曾繞膝一堂之上杖朝杖國相對怡怡茲  
且酌斗祈者爲先生壽是亦今之四皓矣彼文潞  
諸公齒卽適符豈出自一門生爲同父者哉於以見

我

有

其

蓋

流

傳

之


國家承平日久諸福之物可致之祥無不畢至其蔚爲人  
瑞者山居僻處洵不乏人如自先生者固扶輿間氣  
所鍾有識於是覘運會焉者也余故不辭而爲之序

蘭谿校官年家眷同學弟陳廷獻頓首拜撰

龍飛大清道光四年歲在甲申孟夏吉旦



... 諸... 我... 國... 承... 生... 日... 火... 之... 祥... 無... 來... 至... 以... 新... 為... 大...



... 諸... 派... 大... 諸... 族... 次... 四... 半... 族... 五... 甲... 申... 海... 夏... 古... 具... 首... 年... 族...

元廿七公七旬壽序文

嘗讀洪範曰九五福一曰壽壽者酬也酬其有德也

德以壽酬壽以德應故壽者秉性完全克昌厥後以

致享大年爲人範吾於

德山七旬壽翁見之矣

翁素性好文幼習舉業及

壯及老枕書籍經識見超出羣類苟有志青雲安見

不鵬搏萬里也但翁之存心積慮功名之路處之

浚然克己之心甚爲緊切是以一生行事謹恪端嚴

除交際外獨於經史子集有關於身心性命之旨者

無一日離乎左右嘗云詩書不負人人負詩書枉作

千年漢耳是爲翁生平獨得之樂也有是樂則是有

壽壽雖未屆大年而翁之精神矍鑠髮齒依然嗜

米焦健行步有厯厯可徵者由是而翁克壽由是

而翁克昌目前嗣君一夔已足孫子三鳳齊鳴異

日辰綿脤衍燕翼貽謀不卜可知也况翁係僕堂

兄南湖高弟僕時常促膝談心又係僕族叔德成公東

床快婿誼屬姻好知之甚稔不揣剪劣爰約畧實蹟  
而質言之以敘其品概也是爲祝

龍飛道光八年歲次著雍困敦孟夏中浣之吉

姻世愚弟諸葛汾頓首拜撰

時年八十有三丁酉重晏泮宮



吟文如外

何文曰離字

至

詩

米

蕭派蘇米及半數知善報因嫌蓋真中誠之吉

而覽首之以錄其品類也具為斷也

求神報前願取報快之甚錄不羅漢後送味界實觀



元三大公吳氏太孺人壽序

美恭

蓋聞徘徊天上首冊真姬白玉堂前原尊壽母是故曹

大家之賢媛定享遐齡杜京兆之令妻同登上壽振古

如斯於今爲烈蔣母吳太孺人者性成婉婉戒守非儀

沃盥之餘親操井臼鳴絃無暇常潔酒漿秋菊春椒曾

工咏絮冬裘夏葛每喜縫裳和妯娌而無嫌待鄉鄰而

無怨給熊丸以資膏火光燃太乙之藜分鷄黍而餉嘉

寶星聚賢人之里桓車可挽不羨輕軒韓几堪憑無勞  
玉案且也仁慈於臧獲怒非往愬之逢周卹於親朋好  
是知來之贈可爲儉而有度富而不驕者矣溯其所自  
承家三讓之賢比及相攸開國數傳之裔迨吉則詩賡  
灼灼于歸則年始盈盈承梨遠寄常承伯仲之歡侍膳  
親勞先諳良人之性如或孺人者固揚宜芳於彤管扇  
美於班毫無如時運不齊命途多舛齊眉相愛方願百  
歲以同心結髮甫經忽痛九原之分手將雛慘澹星霜

墮地之餘單鵠淒涼風雨連天之際青春白晝對此茫

七碧海蒼天視之夢夢始而自矢靡他願相從於地下既提攜則

則孤子聊息偷於人間淚數下而難留膽未丸而已苦然而

忠臣義士輒遘窮途烈女賢妻每多家難花有血而偏

暈竹非淚以奚班假使履滿持盈安豐處順木皆連理

草盡合歡則是偕柳惠以終身賦桃夭兮共老恒舞鸞

於鏡裏無別鶴於琴中不有未亡之名孰信後彫之節

爾乃栢舟矢志固天道之靡常而蘭玉滿庭實人之至

樂令嗣術妙青囊箕裘克紹諸孫業精黃卷里塾馳名  
始知遲速雖或有時而爲善必無不報茲者可裘初獻  
設幌方新奏法曲於霓裳天上香飄桂子浮仙槎於碧  
海人寰顏醉桃花舞到班衣殊凌雲之有氣扶來筇杖  
無非賦月之才坐擁鸞笙何俟雙成再降盤行麟脯宛

逢西母東來

僕

筆異生花文非垂露遊過石渠之曲夙

重芳型身在城東之間長懷令範期願匪遠百載選開  
南岳之觴翟芾以從大家應有東征之賦禮先陰教意

在斯乎易著坤貞此其人矣爰陳方雅用弁程曉女典  
之篇敬綴蕪詞敢備更生母儀之採

大德望牧大將老親翁大人  
丁酉科舉人徐玉斯謹撰

光緒廿四年歲次著雍闍茂孟秋之月上章灘吞作噩之

書壽也一



曰康甯四曰攸好德董膠

西壽言曰壽者壽也言其人有是德而臨之以壽  
也然則壽非此也謂有其德以永之之謂也

牧夫藉翁者始其人歟公之爲人也少而岐嶷長而明

宗令... 卷之二

始知... 而為善... 無不報... 茲者... 可... 初... 蘇

設... 新... 法... 場... 之... 靈... 變... 天... 主... 香... 飄... 桂... 子... 浮... 仙... 樓... 於... 碧

海... 人... 登... 巔... 醉... 杜... 滿... 園... 殊... 被... 雲... 之... 有... 氣... 扶... 來... 筇... 杖

米... 蘇... 耳... 四... 手... 婦... 火... 童... 關... 之... 道... 燒... 之... 民... 生... 章... 麟... 於... 顯... 定

逢... 西... 母... 東... 來... 華... 異... 生... 十... 國... 務... 舉... 人... 於... 王... 海... 龍... 財... 國... 財

乞... 蘇... 精... 煉... 精... 神... 淨... 諭... 更... 主... 母... 諭... 之... 務... 之... 應... 因... 緣... 自... 觀... 之... 開

亦... 海... 平... 處... 善... 賦... 真... 哉... 其... 人... 矣... 矣... 刺... 夫... 報... 所... 從... 歸... 報... 之... 典



德廿七公七十壽序文

恭祝

大德望牧夫蔣老親翁大人七秩華誕

詩之言壽也曰俾爾熾而昌又曰俾爾壽而富書之

言壽也一曰壽二曰富三曰康甯四曰攸好德董膠

西亦有言曰壽者壽也言其人有是德而壽之以壽也然則壽非其年之謂有其德以永之之謂如

牧夫蔣翁者殆其人歟公之爲人也少而岐嶷長而明



敏及壯慷慨有大志牽車服賈養厥父母早失恃異  
母弟四人如手如足式好無猶孝于親友于兄弟人  
無間言持身質樸處世謙恭其在鄉黨之中不以賢  
知先人恂恂若孺子及庀事則井井有條生平好行  
善事慕義若渴矧扶綱植紀矜孤恤寡樂善好施其  
卓卓可紀者更難更僕數哉歲戊戌冬值 公七旬  
初度先期戒諸子凡親友祝壽一概力謝非獨其稟  
性恬淡不喜浮夸抑亦其體恤人情者周也丈夫子

五人采蘭奉養蘭孫十一問安點額華封人之祝

公一身而兼備之矣而公之精神未衰強飯健步  
動作不異曩時矍鑠哉是翁較之鄉隣長者髮白

齒落祝噎而食持杖而行何其憊也殆未可與公

同年語哉抑又聞之恭則壽勞則善心生理或然歟

益信公之壽耄耄期頤正未有艾也異日者登

公堂酌大斗介九疇與諸君或歌或詈頌岡陵之句

以祝無疆之福焉

皆

龍飛道光十八年歲在著雍闓茂季冬中浣之吉刻於

眷姻弟王紹賢拜撰

同平



善心主

商



其

適

公

年

蘭坡恭祝  
主王樹猷  
士董蘭蔣基業  
顯德門闢光大

大飲賓行德二八  
維新蔣老親翁大人  
八秩榮壽  
序首陳五福再祝三多  
龜鶴遐算人生以百歲爲期

齒德兼優大椿以八千爲節  
周禮賓興之意非徒尙  
齒亦以尙賢其人而賢則于禮有光  
我蔣維新翁經

營貿易白手成家業效歧黃裕經綸而名揚國學  
諳練世故精商賈而譽重蜚英開張藥舖家道興隆  
擇基址于雙牌置膏腴創大厦其于鄉黨宗族間  
倫叙

昭然一毫不紊卽待貧乏人委曲周旋絕無吝色抑  
且排難解紛和氣迎人謙恭遜順忠厚存心廉隅自  
勵足不蹈非禮之門口不言非禮之行人皆敬之所  
以遠近交相美譽行鄉飲禮邑庠生方謨等顏其匾  
額曰碩德堪嘉實有當於其名焉一生而壯壯而老  
艱苦備嘗閱歷屢變宜積善者餘慶洵有德之遐昌  
屣履安閒鬚眉瀟灑少年塲馳逐爭先耆英會精神  
彌壯庭前生玉樹堦上產蘭蓀基業鼎新門閭光大

賢嗣則慶三星既掄材於太學諸孫則同五鳳尤大  
振其家聲蓋薑桂之性到老愈粹而松柏之節及晚  
尤堅行見杼華金殿文心繡口透鸞箋煥彩蓬扉鳳  
誥龍章來具闕已蒙粟帛之欽賜還期雨露之覃敷  
茲者古稀又徧二旬常珍不徒貳膳真乃大德必壽  
若翁者其殆庶矣乎是爲序

嘗

龍飛光緒十年歲次甲申仲冬申澣穀旦吳金土勳首

請派武舉特授海甯州儒學正堂眷嫺姪吳金生頓首

且世有解紛和以進人誠其遠類本以存心養性自

善修善其欲其矣心其深有非禮之行人情教之所


茲查古錄文歸海國圖小益有執真氏大誠以壽

請請章來具圖以效其明之效恩影映雨露之覃煥

大聖亦其科華金煥文心蘇口發鑿論效逐逐氣

其其來經蓋蓋卦之卦既安愈辣而外師之師又知

獨明以獨三星列命林林太學諸君願同田鳳夫大



季龍府君鼎建祠堂記

禮曰君子將營宮室宗廟爲先居室爲後蓋謂處安  
土者不可侈華屋而忘本根之地耳若當遷徙甫定  
則風雨之蔽能不先務哉予始祖紀府君自石室而  
居芥嶺太父又自芥嶺而居蘭源居室旣營度其地  
不可以奠宗祊故姑奉昭穆宗親暫祀正寢今予自  
蘭源而居於此之金塘山土地廣平清淑之氣蜿蟺  
扶輿磅礴鬱積視芥嶺蘭源地較靈焉是百世之基



也可不思妥侑先靈當有定在乎由是就居室之東  
度地作廟先基址而後棟宇門庭堂寢奕奕遞成堂  
則三間室亦如數皆南向兩廡亦三間堂之中立牌  
上書汝南樂安杜陵常州石室蔣氏昭穆宗親之位  
南向中之東奉一始祖紀府君及妣之主亦南向東  
之左奉二世四世祖及妣之主皆西向右奉三世五  
世祖及妣之主皆東向中之西奉五世祖汀州府君  
及妣之主南向左右亦以齒序如東例然奉主之法

殊出己見與古制皆東向者不同其祭祀月朔薦新  
時祭用仲月冬至祭始祖立春祭先祖季秋祭禘忌  
日遷主祭於正寢宜敬遵守凡值祭之時祭主則先

齋戒令子弟輩亦然行禮後當厚於奉生俾助祭者

各得飲福領胙室之中爲祭畢宴飲之所中之東西  
皆藏祭器東西之廡各爲庖湑之處又囑後生日堂  
東五世之祖固皆悉依譜牒凡譜之有名者廟必有  
主是由始祖五服未殺而然也若堂西之法似覺難

拘待予百歲後予兄六三六四七一三位雖然各居亦宜重與立主奉予之左位所有春秋祀事以及各忌之需另有祀田別立簿籍填注坵號輪年管辦詳析登記而前後堂室輪年者須時行洒掃拂拭四圍垣墻亦宜以時修整於戲予之所建者不過士庶人之一家廟也後之子孫能卽予之始基而光大則由一廟而二廟三廟五廟不誠予之所深望哉子孫其勉之


峇

清熙十四年歲次丁未八月二十日季龍識



晉淵十四年歲次丁未八月二十日癸酉

題之書



蘭水金谷八景記

蘭邑之西不能五十里得金塘山今名上蔣其山之  
勝聳而爲三一向東南聳者如龍如鳳鳳山多嵐龍  
阜多梅一向北西而聳者類獅子其山多樹其樹多

雲山之陽曰金谷有池沼池荷而沼魚池之上有神  
祠神靈而祠煥祠之南有溪溪之上有橋溪以通水  
楫橋以通陸行也樂安蔣君叔常氏自其世祖季龍  
府君肇基茲土迄今而勝益奇是以命爲八詠之題

觀其鳳山如飛嵐光吞吐其於鳳鳴高崗何異乎魚  
沼晴波錦鱗遊泳其於濠梁之樂何殊乎閱其荷池  
則混混源泉南薰藕花而呈丹擎翠其十友中之淨  
友也柳溪則湛湛清流春風楊柳而停車張蓋其應  
宰相之佳兆也語其獅岑之昂霄雲樹之聳漢則李  
白江東之情可想矣龍阜之盤蛇雪梅之倒影則何  
遜揚州之趣可知矣若夫南橋則駕石橫空夜靜月  
明水天合色而適興怡情者之良會也東社則神靈

顯煥廟貌莊嚴集福焚香而春祈秋報者之義社也  
景物之美如此皆足以悅其目而樂其心也雖然山  
若蘊玉而增輝水若懷珠而多媚蓋由蔣氏累世詩  
書賢才背出而有以致其地之勝若是所謂人傑地  
靈是已嗟夫各山勝境秀氣所鍾天下之大觀益善  
多多若冀北金臺乃京都佳麗之地湖南瀟湘亦藩  
郡聚會之區而金谷八景獨出於一鄉固不可媿偶  
京藩之大而士夫吟咏文詞光輝於以記當世奇事



於以爲後世美談迺超然笑絕矣

永樂三十一年孟春月上浣吉日

靈具身賜進士南京都察御史邑人邵文玘書益壽

書製木骨

昔燕王所佩戰木香對寒而多散蓋由藥及暴掛

景陽之美感壯皆足以飾其目而樂其心也

璽煥爾餘珠璣兼融焚香而春流輝

新修列傳實錄記

余少時聞祖父曰吾家之居蘭谿自宋樞密家孫碩公也當以碩公爲始祖今鄉人傳稱蔣推官家者乃碩公之孫科公也其故蓋因科公登第名之耳然碩公遷居之後與其侄離公同修譜牒以垂子孫迄今二十一世未輯矣按所載世居宜興至宋有之奇公登進士官御史嘉祐間出知杭州而輒徙居杭州之錢塘吾族之來卽錢塘之蔣氏也今門祚衰替世遠

人繁宗譜不能修輯殊可浩歎其時余年尙幼不鮮  
修譜之事至稍長畧有知識一日取閱前譜歷數元  
初幸有漕舉公禹玉公附補科公以下百千萬三世  
至榮恩公止其餘不錄因啟問吾父及叔父曰德觀  
此譜固知漢宋之從來有自至我朝續支遽斬記昔

大父之嘆蓋爲此也倘今日欲修不知有實錄可考  
否吾父卽檢出皇明宗圖一卷示余余披玩三四志  
意惓惓而思力不及仍謹藏之至萬曆戊戌赴督撫

効用遇錢塘之族兄洽君仕同知坐談間渠問及余  
家譜牒曾續修否余告以顛末兄欣然曰有百千萬  
小傳一宗載有蘭源支派汝修譜攜去考証可也未

三日袖所藏皇明宗圖對勘見渠圖行第載百千萬  
勝成文通廣茂盛止與吾所藏宗圖無異繼富榮華

原行第惟吾宗圖有之然亦止五世可知宗圖之不  
謬也且宗圖內止旁記行狀數語渠則敘有小傳益  
知宗圖實錄之有徵矣考證以後亟圖修輯每博訪

高明忽忽又經十禩今歲始獲洽君擅塲卽將筆記  
付梓吾營懷四十餘年得成於今日事雖如願天實  
佐之亦不可謂之不難子孫其當慎諸毋以譜牒爲  
不重竟忽先人輯續之苦衷也故識之

十九世孫良德述

小辭一宗輝育蘭新支海遊二十世孫應堅重書

案簡數會辭新否余吉以願末民知然曰首百千萬

成用豈餘謝之效只當保其同味坐筵間果問以余

新造和慶堂記

原夫和慶堂自宋世祖必遷公所由起也當時相其地度其基造其堂其堂由來舊矣厥后代遠年延多歷年所其堂幾將傾墜毋庸修理斯時祖輩等商酌只得努力改造率由舊章整頓如新煥然爲之一大光也不幸於嘉慶十六年譜成祭奠之後是年夜間突遭回祿赤地一光幸賴祖先之靈僅留門面以爲不失體製在爾時族衆本無公帑各家又多掣肘舉

手無措難以辦理侈心妄想嘗掛於懷及至道光三年仔細思之遂集慶會會脚商酌辦理因將乾隆三十九年輯譜后所約各出己資之會名曰新冬後改慶會竟將慶會中之資息承辦先造樓屋三間畧展微忱以妥先靈以安神主無奈衆論紛紛難以緘口籌一善策遂與語曰據云已財難捨是俗語非針言耳迨至冬至禮隆祖時將清明衆會內拔出每脚賞給肉貳筋饅壹筋以與慶會會脚照股收領以爲血

食一則彌衆口二則服人心三則勵後嗣縱而言之  
乃昭公舉非妄言也誰知日復一日以迄道光十二  
年有志未逮日夜思維有室無堂不爲光美又將慶  
會劃策承辦前廳一座以完其固有之基址以了其  
平日之素心而已嗟夫倘非前輩約會種德之功而  
後人又何能有心如此之週至也今日者重修譜牒  
因和慶堂之再造恐後嗣之無知委余執筆以叙其  
由也是爲記



由由是

德字行裔孫志伊撰

因味武堂之再啟

餘人又而論

平日之素心

會識

爭首志未幾

其相公舉非

命下眼



增廓和慶堂記

辛酉西兵之亂村庄祠宇大半成煨燼而金谷和慶  
大堂巋然獨存蓋祖若宗之精英實式憑也肅清後數  
年幸而特存者轉以益敝瓦裂於上而楹棟摧水淋  
於下而壁牆壞見者觸目而心驚焉壬申春公商修  
葺因覩夫前層與門樓左右旣婚喪之事以及演劇  
而踰濟於其間者甚爲淺狹於是遂定其議增造三  
楹或襄力或醵資鳩工庇材至己卯而葺事崔巍嶮

上  
來  
來  
日  
完  
言  
卷  
之  
一  
齋廓乎大觀餘則悉遵舊制而繕葺之蓋至此而楹棟摧者已易而新壁牆壞者俱增其堊矣以是知賢子孫之繼起瑣尾之後丁寗遜於昔年而踴躍趨公規模恢擴則較之疇曩而蒸然彌盛矣後之繼志而踵其事者宜取法乎是哉甲申冬修乘設局茲堂厥事將竣司事者僉曰是堂之創造也有記茲增廓之非敢自彰厥績庸不當令後人知增廓之所自來爰

屬記於


康康


惟志寬公爲外大父而鏞公又爲母舅

也雖逝世有年今承斯屬依然外大父母舅之若存  
也因樂爲之記

大清光緒十年歲次甲申十一月 吉日

鳳山外甥邑庠生徐肇康拜撰





大清光緒十一年癸卯申  
由因案錄文時  
庶幾  
庶幾  
庶幾

修理和慶堂說

吾族眾廳規模宏大廟貌巍巍前人創之後人或廢  
之則前哲之靈焉能泯滅前人修之後人復修之則  
後賢之蹟實可稱揚吾廳創於必遷公其詳已備於

志伊公論嗣後同治年間門臺傾壞日擊慘然會族

商議各出己貲分爲上中下三等公事公派各數登  
匾同心協力門臺增廓三楹煥然一新余以任勞而  
不辭任費而樂襄其成也若夫使用賬目神人共鑒

諸件有歛其登公簿其間若不出者有何面目對先  
人之靈爽耶余不敢諱其事蹟非以誇市沽名正以  
鼓舞後人水源木本乃孝子慈孫所當爲之事耳今  
修譜牒記其實蹟於是乎書

外曾

龍飛光緒十年歲次甲申仲冬月

吉日

廿七世啟字行裔孫茂堃百拜謹誌

聞字行助款

丙棠助銀柒兩

玉銜助銀貳拾兩

品芳助銀肆兩

其清助銀伍兩

鴻燾助銀壹兩

萬春助銀貳兩

其魁助銀貳兩



其後祖殿前兩

西祥德殿前兩

殿前兩


殿前兩

殿前兩

殿前兩

殿前兩

間字并想燦



始祖紀府君傳

府君姓蔣氏諱紀金華石室人一歲父歿母舒氏於宋至道三年丁酉挾府君及家資稍蓄居龍邨母舅家又一年而母氏亦歿府君則長於舅氏家雖稚年有成人志量舅氏家甚訝之因譴就學於塾師軀子不至聞石室亦凋落不往而但以母氏遺資小於經營以充家務始壯娶尹氏貲蓄漸充裕大中祥符九年而別創居於舒氏之傍不四十年子長業隆孫枝繁盛各事書史因以所居之地名之曰芥嶺竊取青紫如拾芥之義而深有冀於其後也迨五世孫之才之奇之望六世孫袞及端英各取科第如拾芥而府君責望之心遽有

兆於百餘年之先矣大抵中興之嗣多艱於幼年府君幼年  
震業壯歲熾昌後之子孫其賢且貴夫何忝於漢之杜陵充  
州刺史詡公清風高節之後歷魏蜀晉唐名公顯宦而後先  
相望於一轍窮本極源則又有輝於成周之十伯齡公也噫  
此之芥嶺彼之汝南樂安杜陵昆陵諸宗抑亦項輩共一軀  
體矣夫



凡本類族採服其符履凡求通辭半亦如入志里良凡求其  
三十下酉歲報命又求齊解蕃甘脂取同邑余端禮撰而  
孫晉拔燕凡鞠辟金華下室人一歲又受世治凡飲未至並

季龍府君傳

府君名褚又名季龍字允卿行七九也始祖紀府君自金華石室而居龍邱之芥嶺太父汀州府又自龍邱之芥嶺而居蘭江之蘭源又自蘭源而居此之金塘名曰金谷是爲金谷之始祖也父端復長兄伯龍次兄仲龍三兄叔龍皆以詩禮清白傳世人號之曰蔣氏四龍府君尤加敦篤性敏勤學推重文雅名流於淳熙十四年丁未來遷之日將營居室先建祠堂旣營居室又建書院於居室之北延致四方遊學之士日以講習爲事各其書院爲塘北書院府君由是學業益明厥德益修而名譽益著觀其記祠堂之辭而囑後生有曰待

予百歲之後予之三兄雖係各居亦宜重與立主而奉於予  
主之左位則其友愛之情出自天性子三如琴如撫如箎亦  
各彬彬雅士而德行文章之肖君矣猗歟府君之善既有以  
視諸身復有以施諸人是宜傳而表之以示後世云

傳曰有學有守無毀無譽府君之德其誰能如子姓詩禮

女清白大儒府君之福其誰能如噫德爲福基福爲德應爲

性府君爲行府君行德府君德性府君事無多疑理有一

不定

古睦陳天燹撰


李誦祖撰

處士心琴先生傳

先生諱暹字誠之號心琴宋末人也天資俊邁超絕過人幼  
穎悟家多蓄藏書五經史集諸子百家過目輒成誦無不領  
其旨而提其要慨慕三王之道遠遵孔氏大學之遺教以格  
致誠正爲工夫以修齊治平爲學術講道論業四方學者多  
從遊焉至其懿德內蘊和氣春風並不露矯世激俗之意或  
以其才其學而勸之仕先生曰于此羶世而求利祿世之狼  
籍人也惟以德潤身以道淑人親賢睦族繼周程張朱之一  
脉而已奚以仕爲因以詩書自娛晤言一室彈琴而歌先王  
之風有餘樂焉故一時士夫學者進其號曰心琴先生云嘗

語於其子弟曰世之孝義何者爲最衆不能答先生曰輯修宗譜是無忘源棄本之心而爲孝之最既輯宗譜必收族人是知祖宗一體而分皆親愛之如同胞而爲義之最父曰吾家譜牒內云始祖紀府君於宋至道三年自石室來居芥嶺以至九世遷徙來歷其詳確有證矣但始祖之若父若祖若曾名諱行第譜不詳悉奈何嘗檢篋笥而得余公端禮撰始祖傳曰聞石室氏亦凋落不往而始祖不知果否耶心甚悲慘由是親抵石室訪詢古老果以凋零散居無從考究乃溯石室之原而直抵常州僅得端倪而修飭之則其孝義之最先生居之矣凡爾拓築濟利而爲繼述之孝義者不殫述也

噫先生大德不伸欽於韜隱嘯傲林壑吟詠性情其篇什詞  
章若長江大河浩浩莫極文追兩漢詩步唐體著述頗多惜  
其隨後湮沒遺稿百不一二存焉雖然觀其所存之數詩一  
記卓哉道學之淵源矣乎予生也晚乃克登先生之壇景行  
其生平而傳之若此



明南京都察院左僉都御史邑人邵 玘撰





巍一府君傳

錢塘宗圖載巍一承事字伯嶽娶童氏生一子諱汝奎行百  
一有弟曰崑曰崗巍隱德弗仕崑仕高州電白縣主簿遂居  
高州子孫繁衍傳今高州電白蔣氏亦宗科公爲始祖此不  
可不知崗無實事考已圖內載從弱冠去金陵未回兩考宗  
圖巍公係科公長子蓋吾蘭源之祖也

百行錄

稽宋譜所載俱書諱字而無行弟者見

皇明宗圖至汝奎公方載百一行第百行蓋自汝奎公始再  
考錢塘宗圖亦載汝奎公爲百一府君係蘭源之祖也

百一府君傳

公諱汝奎字子經科公冢孫魏府君子也母童氏早喪性至孝服廬三年疏食飲水不履戶門之外平生最嗜性理綱鑑及巡檢山西清源縣不以祿秩廢株守當道優禮之未幾掛冠林居以壽終於正寢二子昌祚行千二千三

千行錄



錢塘宗圖載千行第有千一千二千三千四千承事今考本圖

千二千三百一府君之子而千二公為吾祖千三公係吾祖

之仲弟也元大德四年十月十七日千三公卒墓本邑二邱

山之西峴亭下

萬行考

錢塘萬行第載吾祖爲萬三府君本圖載萬四府君檢得舊藏書藥一封乃千一公密府君爲嵩縣主簿書序曰萬四侄即此已知吾祖爲萬四府君無疑矣

勝一府君傳

公諱孟淵字宗源主簿萬四公長子爲人質直謹愿勿習舉子業後改業醫四方咸重之親書其門云正其誼不謀其利明其道不計其功時御史吳公稱之曰真儒醫有德之士也以鼓樂送冠服旌其門壽八十三而終遍告親戚坐談而逝

二子必遷必連孫天與墓香山九里崗之源必遷行成一遷  
廿四都上蔣必連行成二移居廿六都卽今下蔣

文一府君傳

公諱天與字景仁孟淵公之孫也祖卒時府君甫十六喪葬

之事悉能料理洪武七年嶺塢之居回祿方當遷移肇造凡  
內外公私之務雖繁文一公一一以身應之斬然有條器識  
豁達鄉人敬信遇有紛爭者必委曲以解之患難者必竭力  
以救之上下隆重聞之本邑 謝公以恩例給賜冠帶

洪武二十二年二月初七日終安人朱氏合葬於杏溪王家

園

諱彥休字可行別號向葵文一公之子以勤治家而貲產之

富甲於一鄉爲人儀容魁偉力勇過人器用服食率皆尙質

積而能散嘗捐資造渡橋梁病涉者皆感德之由上司拔之

節度使標下用事公辭不就喜與白露山僧智明談叙永樂

七年三月三日卒壽六十六娶章氏生一子宏二女長適永

嘉墓太平鄉蔣坂之源蓋府君所自卜者附廣一府君諱宏

字應恢儀容俊秀氣性高傲常不合於父而母最深愛之年

四十以弱症亡生三子一女因無實行故附之

論其子孫不似其公稱不似其與人之子曾曾則始於永樂

越而論其子孫則其子孫則其子孫則其子孫則其子孫則其子孫

富田茂一處士府君傳

諱養忠字克效廣一府君之子彥休公長孫爲人謹飭情性

超群好閒喜逸邑宰聞其才欲辟爲掾不就與儒學陳文秀

友飲酒必醉大抵樂天者也

正統十二年五月十一日卒享年六十一葬香村

正統十二年五月十一日卒享年六十一葬香村

茂三處士府君傳

諱養節字克守茂一府君之季弟也娶周氏生二子尙質尙友質早夭而友存焉爲人惻悞淳謹會以里長赴縣有老人賣田銀七兩以輸稅誤遺爲府君所得老人號泣幾赴水府君詢其詳遂還之分文不取通市咸嗟異之

景泰四年三月七日卒壽九十墓本都蔣嶺塢

東溪志廿二府君傳

諱福湖字樂道別號東溪爲人端重純樸真誠處衆人中殊不欲自見所長孜孜與人爲善雌黃不出於口有藻鑑不爽



家資饒裕好德惠人邑侯知而賢之錫以冠帶僉爲鄉長保  
正三十餘年爲人解紛排難毫無偏曲徇情戶部金給匾上  
書德重鄉評輿情允服年享八十有餘尚鑠鑠加餐娶童氏  
生一子信三一二女長適崢塘王次適廿七都朱裔支盛焉  
孫行恭十三兄弟未錄

少溪志廿六府君傳

諱夢鰲字道登號少溪素履端莊剛直孝友族黨咸敬禮之  
濟人之急扶人之危不矜已長有儒者風娶徐氏生三子三  
女長適雙牌王次適姜塢三適霞山洪

萬曆三十二年五月十五日卒壽六十有四

冲宇蔣君信廿三親丈行錄

公生平懿德善行種種芳聲人之膾炙於口碑者幾紛紛載道矣予不敢贅文其辭第就目擊大畧而述之公居恒顧復在堂菽水承歡自無瓶罄甕恥之恨聲容已逝歲時蒸嘗猶存致隆致慤之誠至於墳塋無蔭另擇地以慰先靈費廢百餘不煩昆弟以劬扶又見庭闈鴈行既翕且耽族伯亞旅和藹油然而立身醕謹鄉邑播長厚之風推開大尹隆錫藉鄉評之化生財有道家貯饒裕之封貽謀燕翼箕裘遵義之訓當

是時老成凋謝而公獨翩然酌舉或向素心人譚底事或向  
 元門友會機緣時翻貝葉時誦法言歸一切之塵事及閑暇  
 携幼孫逍遙於畎畝中最可慶者公幼孫雖頭角將芽而天  
 姿獨秀人咸曰亢宗之品也抑彼蒼之報善人不爽也

蘇堂蘇水  
 頌眷晚生伯陽徐應亨拜

數失年不  
 目擊大畧而庶之公

公生平積善  
 之能美質口

麓泉原三十公傳

以釗公字利用號麓泉幼從舉子業因博覽羣書以逸自娛  
 不求聞達上下咸敬之至中年一子夭亡惜斬其後於是遍

遊外方一切虛無寂滅之教應答如流而縉紳公子皆以散  
人禮之年躋古稀卒於客舍堂姪迎其喪歸葬於故里噫公  
之才足以駭世而足取公之德不能保全於始終者果何如  
也





勅授登仕佐郎升四十七府君暨洪氏吳氏安人讚

性安朴素志抱謙冲善承祖訓恪守文風陶朱廣積貿易惟  
公和以睦族敬以持躬恩深色笑誼篤友恭歡承錫寵品望  
攸隆更兼內助賦性明聰家庭藹藹閨里雍雍後先濟美勤  
儉是崇交相夫子載勉女紅槐枝競秀蘭葉鬱葱芳徽雖渺  
令德彌濃宜其郝鍾並美而綿似續於無窮

龍飛光緒元年歲次乙亥季秋下澣月吉旦

稠州東生王孫暄拜題

贈蘇光緒示半藏方寸之友季秋不備只吉且

應山 上王將帥其賦

合端願斯宜其精幹也  
蘇以蘇敘無礙

俞長崇安  
蘇林繪表間葉精藝其琳瑯

對劉更乘內而頗抄門願東現高諸國里軍軍外去齊美也

公味以起烈始以斜中為一合笑前讀文恭燭承檢諸品望

對安林泰志外之巾善承而贈辭守文風韻未觀蘇貴甚並

蘇姓登 百順 七十小麻作體將凡吳月安人信



欽賜太學生樟餘升七十公讚序

植物之能茂也必由根柢之深水泉之不竭也自卜流行之遠物既如此人亦宜然惟蔣氏

樟餘公貿易我里歷有年所其人公平正直無欺世心和厚樸誠有長者度隻身創業二十年茹苦含酸攜子居廛半生來積銖成兩所以由約而巨自細而宏基業漸開貲財日積身雖列於市井之中品自軼於閭閻之外宜其桂林挺秀香結一枝蘭畹齊芳芽生不斷觀今日成家成室規模之足式可憑想當年善行善言積累之工程未艾茲當家乘輯成之日

光緒 聊即素知者爲公表其生平之梗概云耳



光緒十年歲次甲申孟冬之月主平之昧然云耳

懋賦當羊善言善言同邑眷弟邑庠生章寶森拜撰

一妹南御養我巷主不測歸今日如如室賦懋之且友同

舉歷試市井之中品自辨分闊闊之代宜其卦林發香香

蘇維如兩海川西歸國日蘇自

編亦具音

蘇給公賈長姪里想亦羊視其人及平五直無其心昧列

蘇湖兩地此人心宜

蘇蘇之演對世必由蘇蘇之親水泉之不蘇世自十流

趁顯太一主蘇一十十公蘇卓

介甫升八一蔣君之妻張氏殉節傳

嘗讀列女傳見王凝妻之斷臂曹令女之割鼻韓玳英之投  
穢陳仲妻之隕崖類能輕生守義節烈昭天雖千載下猶足  
令人贊嘆不已耳咸豐辛酉夏賊氛擾境蘭邑殉節婦女咸  
歸類大節知舍生取義視死如歸豈不足爲後先輝映乎惟時有張氏

者蔣君介甫元配張汝葵公之女也其姑自幼乳養年甫及

笄承歡膝下罔間晨昏而且孝翁姑諸妯娌敬夫君操井臼  
恩勤育子各竭其誠後因賊焰大熾閭家竄避婦以姑身抱  
恙株守不去親煎藥餌莫療沉痾迨仙逝之後殯殮之力隻  
身獨任適有賊兵剽掠村墟婦與姪孫媳徐氏慷慨臨淵躍

水而死爲之贊曰防汚重於圭璧立節燦於日星朱顏無苟  
免之方盟心殉難白水爲藏身之地矢志捐軀貞同金石瞑  
目羞見夫豺狼潔比冰霜入水免遭於狐狗風聲遠播足增  
閭里之光雪操彌堅可樹閭幃之範今日譜牋載跡表昭質  
之無虧他年史冊題名垂聲稱於不朽云爾

龍飛大清光緒拾年歲次甲申仲冬月

同邑東鄉眷姻弟廩膳生張觀光頓首拜撰

同邑東鄉眷姻弟廩膳生張觀光頓首拜撰

同邑東鄉眷姻弟廩膳生張觀光頓首拜撰

詩卷一

林世百五處士諱端復遊浙江詠

天性耿心胸遊觀趣莫窮掛旗眠艇上搥鼓過城東一鳥青  
天外千山夕照中射潮當日事誰不道英雄

齊長白

常州刺史之奇臨終吟

五十有餘年人間事不干功名隨分取山水不時看鱸膾秋  
江冷關山夜月寒叱羊仙有約為我整歸鞭

未生咏懷

未老身先老地偏心不偏酒盃隨量卅新句逐時聯探取書  
爲窟生涯硯作田茫茫人世外安分卽神仙

正十題白芍藥

碧紗窗外小花王也效仙家作淡粧脫却紫袍金帶去渾身

祇是白霓裳

天竺詠牧牛圖

林塘風淡綠陰稠新水菰蒲宿雨收最是牧童牛背穩一聲

蘆管一春秋

澁西翁

元夕詩

何處元宵好南梨集季昆  
春風生四座明月照清樽  
燈火高低樹笙歌遠近村  
太平貧亦樂底用說豪門  
前雲未婿對公

春日雜詠

遲遲麗日萬山晴遊冶難忘少壯情  
草到小橋分野色鶯歸細柳作春聲  
孤舟渡口無人問駿馬花間並轡行  
慚愧東風相厚意透懷吹得布袍輕

清明

夜來小雨潤芳鮮，輕暖輕寒二月天。  
最喜繁華呈好景，不因隨傍到前川。  
飛燕深深院，漠漠松楸淡淡烟。  
記得去年寒食後，落花無數曉風前。

望西湖

吳山絕頂望西湖，只道吟身在畫圖。  
武穆祠前雲未散，坡公堤上柳如初。  
丹青山色分濃淡，遠近人家半有無。  
指點六橋烟樹外，裁詩憑宦謝林逋。

閑吟

半畝芳塘湛碧秋，高槐倒影綠雲稠。  
波光微動風初到，花氣長凝水自流。  
一任鳶魚天上下，何妨鵝鴨日沉浮。  
滄浪欲賦無人聽，閒倚欄杆照白頭。

梅花

澱西溪畔草堂前，一樹梅花雪未乾。  
自信孤高難入俗，誰憐寂寞不勝寒。  
清香浮動渾虛度，素質生成卻耐看。  
笑殺媚春桃共李，笙歌聽盡不知酸。



十四夜看月

明月當空展玉盤清光還欠一分寬  
夜逢二七秋將半路遠  
三千夢未安砧杵聲中驚斷續瓊樓深處仰高寒  
相思不盡  
天涯意獨立蘇臺仔細看

一如子



無人秋興

清秋爽氣雨初收小隱平奇一素樓  
禪寂祇因心跡滅詩成  
不爲譽聲流充州托質歸三徑平仲終身卧一裘  
白髮蕭蕭  
難變黑青山不碍幾重遊

卽事

匡廬僻隱憶隆中  
香飯青菰敢謂窮  
曲徑曉雲閉薜荔  
孤山殘月掛梧桐  
年垂七秩陶宏景  
才肖三都左太冲  
寂寞柴門嵐色裏  
悠然自樂古人風

卽景

窈窕突青嶂  
嶙峋冒紫烟  
水香花午落  
雨淨竹枝鮮  
佛叅朝暮藏  
鬮醉十千不須談  
世外久已絕塵緣

元日

佳節春晴日裁詩苦未能雲開如惜月風弱似憐燈珠履從  
黃歇龍門問李膺笙歌餘少暇登眺興堪乘

山居

叢桂輕烟護香風午夢迷鹿眠深樹雨鶴唳隔雲溪竹徑生  
青草芝田放白鷄醉中身世幻寂靜悟天倪

賞桂

科色山光淨騷人集桂叢座中招隱曲樹底散香風葉照清

樽碧花沾舞袖紅廣寒應有種不與世間同

登金華山

桃花零亂試輕衣此一登臨世所希山腹翻然群鶴舞杖頭

倏爾片雲飛江廊似帶迴城廓鴈影橫空度翠微欲覓初平

何處是春風芳草石羊肥

過嚴灘

臨流弔古思悠哉搖落新從梁苑回雙櫓衝波驚雁起片帆  
掛雨渡江來秋風漁唱猶清籟明月羊裘似釣臺佑客詞人

同一眺白蘋紅蓼望中開

咏松

昂藏雲樹古坐對萬山清  
日落蒼虬影風吹白浪聲  
藤蘿懸直幹花葉鑷長生  
翠色寒如水寥寥獨鶴鳴

秋興

高秋爽氣動蕭森  
強度茅簷歲月深  
省歛不聞天子詔  
救荒誰聽使車音  
四方離亂多烽警  
一將功成報國心  
時事堪悲

還楚賦聊吟梁父托焦琴

其二

蕭疎林木已驚秋，荏苒韶光逐水流。  
世事倏更芳草變，物情幾換落花愁。  
砧聲暮急長安月，笳吹風悽塞北樓。  
不聽啼猿腸亦斷，漫乘幽興泛觥籌。

冬日晚步

林巒葱翠已凋枯，時值冬初萬葉鋪。  
鶯擲柳梭渾不見，蟬鳴樹瑟却歸無。  
韶華剥盡天心露，淡漠孤存道念符。  
晚步莫悲風景寂，好看春信報名都。

雪中菊

天上俄然飄柳絮  
籬邊景色尙堪杯  
凌寒喜有冰霜幹  
耐節  
芳呈金玉胎  
滿院風光消寂寞  
幾看松勁共徘徊  
欣逢此日

添吟興白雪黃花賦並裁

賦



賦

賦

賦

賦

詩

題蔣氏世圖

國史編修浦陽柳貫書

一本繇來無後先支分派遠始紛然能將譜牒稽家世自得  
源流指掌間血脉親疎方有別子孫賢否並相傳君家獨得  
名臣裔千載芳名死不諼

鳳山嵐氣

肇慶府推官同邑王以彰題

喬木森森綠蔭稠鳳山佳致最清幽林蒸雲氣情尤濕露滴  
嵐光翠欲流日晚煙霏迷隴首夜深風雨遶枝頭及時行樂  
春逢景佳杖看花約共遊



魚沼晴波

半畝芳塘似鏡明  
晴天湛湛一沆清  
香騰魚餌堪垂釣  
塵暗  
儒冠可濯纓  
風起紋成青  
澱皺魚行水  
激綠波平  
桃花浪煖  
潛龍躍擬聽春雷第一聲

龍阜雪梅

青龍阜上數株梅花  
傍園墻臘正開  
紅紛素粧銀面目  
藐姑  
雪映玉胚胎  
暗香浮動因風度  
疎影橫斜待月來  
幾度隴頭  
思折贈江南春信  
寄詩催

獅岑雲樹

獅子山前約勝遊，暮雲春樹起人愁。  
千尋喬木凝春黛，十里新松長綠稠。  
翠色遠藏居士宅，清陰密覆故家樓。  
明朝聚首重相會，樽酒論文樂自由。

柳岸清溪

青絲裊裊綠成陰，映帶溪流兩岸平。  
春暖花飛紅水泛，秋寒葉落碧潭清。  
水分燕尾歸楊港，路遶羊腸對柳塍。  
我折贈行君莫笑，臨岐分手最關情。

荷池活水

半畝瑤池一鑑開  
芳荷貼水綠如苔  
澄澄波底潛魚躍  
混混源頭活水來  
十里香風吹菡萏  
一澆清液絕纖埃  
神龍肯吸


飛天去變作甘霖  
澤九垓

南橋霽月

橋傍南郊笑語喧  
晚遊翫月出雲端  
素娥詫作青銅鏡  
童稚呼爲白玉盤  
色映虹蜺隨雨霽  
光涵潭澗照人寒  
清霄好唱霓裳曲  
舞罷憑欄杯未殘

東社靈祠

寶弓瑞錫自淮東來到靈山一夢終響應神祠隨處建香分  
廟入累朝封焚錢許愿資冥福卜筮祈靈問吉凶雨順風調  
民物阜鷄豚社裡樂年豐





辭

蔣氏家譜辭

紹洪荒於混沌兮盤古肇二儀之奠沃興衰於隆替兮黃帝

立四極之初山五嶽兮宗其岱衡而泰首源五湖兮指其溟

渤而瀘呼草萌兮春動木秀兮陽生鳥獸毳毛兮巢有穴鱗

甲昆虫兮族而分故知夫物之類乎相繼服乎長驅而曰仁

人君子兮豈湮沒夫像繼之版圖乃曰天子聖賢兮恒禮類

于傳緒之冊與人之本乎先兮親親宗乎昭穆子亦賴父傳


兮世世統乎人倫茲天經而地緯兮藉宗儒之追古亦瓜纏

而瓠綿兮當漢嗣之允承緝休光兮祖千秋導正紀兮孫厥

謀皇有考兮世悠悠國有宗兮諫垂留孰若予懷兮恕孔羞  
維禮敬雍兮達九州究鴈序窮源流存不啻兮張貽猷千古  
世兮知厥由爲謨爲烈兮吳興孟爲文爲武兮越馳周統源  
之遠兮帝有則窮木之根兮了無愁而君之譜兮繹異語之

交籌

皆



萬曆庚辰仲春月朔日

鴻臚寺序班邑人東野郭堯輔拜贈

歌

八景歌

吾聞君家住金谷勝概清幽真可掬山如鳳舞古今存五色  
嵐光吐芬馥半畝芳塘一鑑秋晴波照徹金鱗遊荷池活水  
自相接藕花開處清香浮柳拂煙絲隔溪岸搖曳黃金水中  
見北山青蔥雲樹稠率陀天邊獅子現龍頭雪梅春欲來玉  
爲鱗甲銀胚胎南溪橋上夜看月水天一色菱花開東社神  
祠廣靈貺東作西成秋有望太平世界太平民此段清幽可  
輕放我看此圖誇無雙興來便覺詩懷狂雲烟滿紙贈君去  
金華山水皆輝光



右御史壽昌徐 節題

其二

金谷中涵入景奇君爲索我新詩題鳳山嵐氣凝五采漁沼  
波澄映玻璃龍阜嵯峨千仞立梅花漏泄春消息獅岑起伏  
勢儼然重重雲樹連天碧嫩柳千條溪岸傍東風嬈動金絲  
黃荷池疎雨夜來過綠波流出紅衣香南澗橋頭清夜月一  
片冰輪光皎潔古廟巍巍知幾秋夕陽高樹多題鳩美哉八  
景勢廻環高人結屋居其間登臨長笑情興發三公不換江  
與山我家此景最密邇見圖如見家鄉喜鳳凰臺上爲揮毫  
白雲渺渺思千里

右太僕寺寺丞同邑祝 獻題

其三

生平愛水仍愛山偶逢佳處長盤桓  
浪迹紅塵十餘載夙魂時落烟霞間  
烟霞笑我真癖蔣君於我曾相識袖出金塘  
八景圖拉我作詩歌一闕蔣君元是吾鄉人  
此年不識程伯涪黃金臺下一相見笑語款洽  
平生親披圖爲我話歷歷某

山某水來咫尺世間好景何處無無此襟懷不得識清溪  
上春水多清溪柳色黃如鵝枝下時時聽鶯語槎頭款款聞  
漁歌有時遊興來芳沼一色玻璃漾晴昊大魚如尺小如針  
洋洋汕汕翻萍藻崇祠只在屋東頭枌榆陰陰曲卷幽伐鼓

燒香拜翁嫗椎牛割豕祈春秋南邊一夜薰風起荷葉荷花  
映池水不獨清香偏可人更向源頭覓真趣長虹百尺跨清  
流水共遙天一色秋微風吹月過蓬島明珠影落蛟螭愁前  
山後山參差聳踞者如獅起如鳳雲濤蕩漾樹不移嵐氣浮  
搖山欲動玉龍戰退下瑤峯敗鱗殘甲高低同羅浮美人淡  
粧洗微微一笑生春風四時景物隨人異雪月風花總佳致  
元龍樓上舒嘯情謝眺詩中遊冶地飄然到此秋興多爲君  
放筆爲長歌

右員外郎同邑童 琥題

賦

心鏡處士孟冬賦

十月既望於時維冬其神元冥其律應鐘其音羽音其虫介  
虫回杓指於亥位配掛屬乎坤宮六陰上剥而已極一陽將  
復而潛通水始冰兮地始凍日北陸兮朔其風矧豪家兮寒  
備而畫閣兮新裝景紀好兮月維良新菑熟兮橙蟹香萬木  
搖落兮芸其黃孤松鬱秀兮翠而蒼江梅有白兮將漏微陽  
籬菊無香兮傲煞清霜翳茲小春之天氣抑亦三冬之肇始  
天地升降而不交陰陽生疑而戰起歸蟋蟀於床下屏流螢  
於何處鴈高飛兮雲天魚深潛兮淵渚虹隱跡而不形雉爲

蜃而入水然皆氣候之有常亦惟貞元之妙理於斯察物之  
幾微亦可驗時之泰否與其泛議於虛言孰若省躬而修己  
因思古人之三餘愚何不敏之如此爰引毫兮有詞雖覆甄  
兮何恥



家規

敬祖

祖宗是我流源四時祭祀無非根本祭品隨家貧富務要精潔行禮須要端莊不可草率虛應故事墓塚不時看管不可令諸畜踐踏若或不敬是爲忘本祖宗必不蔭佑之矣

崇祠

喪祭禮之大者凡爲子孫者春秋祭祀勿失其時月朔必薦冬至祭始祖立春祭先祖秋祭稱忌日遷主祭於正寢凡事死之禮當厚於奉生幼穉者常當教其某祖祭某忌日行其

一乘弟身完言  
卷之一  
祭使知禮義馴熟乃崇祭之要典也

孝親

人無父母焉有此身多少動勞多少愛恤養得汝身長成使  
不孝順天理豈容之哉故不孝之人天必生不孝之子以報  
之自古迄今皆然也

敬長

宗族中有年高於我者必吾父輩縱其分卑生亦在於吾前  
揖拜言語皆當謙恭不可以老耄無知而慢之亦不可以家

貧或子孫無人而忽之蓋彼今爲我之長我後來亦當爲人  
之長我若不敬他後來人亦不敬我矣故不遜之弊誠所宜  
戒

教子

子是我終身靠他若不孝順不做家不守禮法老來反受他

累故自幼當教他孝弟長在前坐當令之起行當令之在後  
教之勤教之儉不可令早眠晏起縱然富有餘財不可令之  
妄用日逐示之以官府法度使知畏忌有驕頑便當訓誡如  
此教之則我身後事便好靠他若一姑息幼小不教後必亡



身敗家反不若無子之爲樂也

友弟

兄弟同出於父母之一身除却已身再無他人親視兄弟幼時不知世務及長縱有心性兇狠貪暴無禮者亦當念父母身上讓他幾分若分分寸寸與之計較必致傷和傷情矣父母在見兄弟不和睦雖三牲五鼎奉事亦他不快活死亦不瞑目於地下矣人家兄弟若和不特家道興隆外人自不敢欺侮人能不聽妻子奴僕之言與奸人之語方能克友於兄

弟

條例

一世系五世一提凡世次脈絡群昭羣穆咸得便覽其親踈  
遠近之序一按圖而萬殊一本之親了然在目矣

二排行所以正名分別尊卑序長幼古今異時遐邇異地可

因行而稱謂也

一源流所以追本始不備書者恐支離無叙後世難考據也

一徙居者必表其由而名其地商賈於外而不歸者亦然所  
以聯族屬之義也

一男必分列其世女則系之於父名下而已系之父名下則

可系之兄弟之列則不可以其內夫家而外父族也

一凡祖宗名諱子孫不得重犯今觀後之來裔多有犯其祖諱者嗣後各家生男取名須先看家譜免犯祖宗名諱不致有犯上之弊矣

一詳載祖宗墓所原欲後世子孫知其祖墓於某處不致遺失歲時得以展其孝思且免外人之侵墓以致風水損傷其有無墓所者皆緣先世遺失故后無從考據今姑闕之以備參考

一書元配某氏繼娶某氏明先後也正生子某繼生子某明嫡庶也妾子雖長庶不奪嫡者正名分也

一子孫配婚媾必擇門戶相當貧富不論切不可慕富締親  
若貪其財富迷其奉承失足玷身男不列行女不書姓切  
宜慎之

一子孫各宜遵守先人所立家訓家規及

國朝功令各謀生理毋作非爲毋好詞訟毋耽麩藥毋惰四肢  
不顧父母之養毋佚四體不謀營運之資毋戕兄弟而分

門別戶毋私妻子而貪利滅公凡此數端爲害尤甚或有  
出此族長及宗親責以大義誘掖獎勸俾歸於正如梗頑  
不服者卽以家法治之倘怙過不悛者送官究治

一子孫及四十無子其族長親房當勸令娶妾以繼後嗣

一子孫年耄或遭伯道之厄必譜內載明應繼親枝某房某人之子爲嗣或愛繼某人亦必書明愛繼某房某人之子爲嗣不得牽引外姓或降尊嗣卑或躡卑繼尊冒亂宗祧致啟後日之爭端也

新增規條

一譜系修輯須留心着意不可多歷年久或二十年或三十年切勿拘定不可延緩一經久遠則後嗣子孫茫無考據詢諸耆老疊出支吾似此徒廢心思多歸掣肘此條最要

切宜誌之

一承修譜系者必鄭重迺事所添丁注脚須件件細載庶幾

無遺憾于後人矣

一前修宗譜原未排例字號并載何人收藏今特提出注明細脚脩後日有事查考暨修譜改整一目了然

一新修宗譜正印拾壹部刷草一部正草共計拾貳部茲將


竹雨松風蕉露書聲琴韻花香十二字標於部面某字號

貯於某家每歲六月初六日崇祖會期呈晒惟恐譜集魚

蠹蛙蛟或不謹慎以致屋漏污穢煤爛是日十二部宗譜

一一呈於和慶堂繳齊點數草譜上添丁註載忌日倘有

某字號某人遺失未呈以作不肖論



新增例二條光緒十年增

一婦人夫亡改嫁自當注改志字樣載觀前譜多有削其生期以示意殊不知夫亡子幼貧不自存大半因饑寒所迫而至是者婦出與廟絕終期固不得列嗣後凡改嫁者應列其生期俾爲子者念毛裏之恩上考母年得因春秋而展高祀亦庶幾

國朝教孝之意也

一 生卒嫁娶每歲按期上草譜前例未有明文茲定於正月初十日爲 祭祖誕辰凡添丁及嫁娶俱於是日赴衆廳報明至於終期墓地登載則專於冬至日司事者慎勿愆期





